


詩所

十六之七

				一	漢書門類
			一	一	
		八	七	七	
二	四	四	〇	七	
冊	架	函	號	類	

五言古詩



內閣文庫			
三	一		漢
九	一		書
一	二		
七	四	七	類
架	冊	號	

內閣文庫	
番號	漢 11117
冊數	24 (13)
函號	319 128



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



詩所第十六卷

五言古詩

淺草文庫

古詩

十九首青青西北涉江迢迢東城明月六首
或作枚乘冉冉驅車二首入樂府以下諸詩
並係漢人而失其名或云建安中曹王所製也

行行重行行與君生別離相去萬餘里各在天一涯道

路阻且長會面安可知一作期胡馬依北風越鳥巢南枝


相去日已遠衣帶日已緩浮雲蔽白日遊子不顧返思

君令人老歲月忽已晚棄捐勿復道努力加餐飯

青青河畔草鬱鬱園中柳盈盈樓上女皎皎當窻牖娥

娥紅粉粧纖纖出素手昔為倡家女今為蕩子婦蕩子

行不歸空牀難獨守



青青陵上栢磊磊澗中石人生天地間忽如遠行客斗
酒相娛樂聊厚不爲薄驅車策駑馬游戲宛與洛洛中
何鬱鬱冠帶自相索長衢羅夾巷王侯多第宅兩宮遙
相望雙闕百餘尺極宴娛心意戚戚何所迫

今日良宴會歡樂難具陳彈箏奮逸響新聲妙入神令
德唱高言識曲聽其真齊心同所願含意俱未伸人生
寄一世奄忽若飈塵何不策高足先據要路津無爲守
窮賤軼軻長苦辛

西北有高樓上與浮雲齊交疏結綺窻阿閣三重堦上
有絃歌聲音響一何悲誰能爲此曲無乃杞梁妻清商

隨風發中曲正徘徊一彈再三歎慷慨有餘哀不惜歌

者苦但傷知音稀願爲雙鴻鵠

鳴鵠奮翅起高飛

涉江采芙蓉蘭澤多芳草采之欲遺誰所思在遠道還
顧望舊鄉長路漫浩浩同心而離居憂傷以終老

明月皎夜光促織鳴東壁玉衡指孟冬衆星何歷歷白
露霑野草時節忽復易秋蟬鳴樹間玄鳥逝安適昔我
同門友高舉振六翮不念攜手好棄我如遺跡南箕北
有斗牽牛不負輓良無盤石固虛名復何益

冉冉孤生竹結根泰山阿與君爲新婚兔絲附女蘿兔
絲生有時夫婦會有宜千里遠結婚悠悠隔山陂思君

五言古詩 卷一
令人老軒車來何遲傷彼蕙蘭花含英揚光輝過時而不采將隨秋草萎君亮執高節賤妾亦何爲
庭中有竒樹綠葉發華滋攀條折其榮將以遺所思馨香盈懷袖路遠莫致之此物何足貴但感別經時
迢迢牽牛星皎皎河漢女纖纖擢素手札札弄機杼終日不成章泣涕零如雨河漢清且淺相去復幾許盈盈一水間脉脉不得語
迴車駕言邁悠悠涉長道四顧何茫茫東風搖百草所遇無故物焉得不速老盛衰各有時立身苦不早人生非金石豈能長壽考奄忽隨物化榮名以爲寶

東城高且長逶迤自相屬迴風動地起秋草萋已綠四時更變化歲暮一何速是風長古人心悲率易言已易悲放情志何爲自結束燕趙多佳人美者顏如玉被服羅裳衣當戶理清曲音響一何悲絃急知柱促馳情整巾帶沈吟聊躑躅思爲雙飛燕銜泥巢君屋

驅車上東門遙望郭北墓白楊何蕭蕭松柏夾廣路下有陳死人杳杳卽長暮潛寐黃泉下千載永不寤浩浩陰陽移年命如朝露人生忽如寄壽無金石固萬歲更相送賢聖莫能度服食求神仙多爲藥所誤不如飲美酒被服紈與素

去者日以一作已疎來者日以親出郭門直視但見丘與
墳古墓犁爲田松柏摧爲薪白楊多悲風蕭蕭愁殺人
思還故里閭欲歸道無因

生年不滿百常懷千歲憂晝短苦夜長何不秉燭遊爲
樂當及時何能待來茲愚者愛惜費但爲後世嗤仙人
王子喬難可與等期

凜凜歲云暮螻蛄夕鳴悲涼風率已厲遊子寒無衣錦
衾遺洛浦同袍與我違獨宿累長夜夢想見容輝良人
惟古歡枉駕惠前綏願得長巧笑攜手同車歸旣來不
須史又不處重闈亮無晨風翼焉能凌風飛眄睠以適

意引領遙相睎徙倚懷感傷垂涕沾雙扉

孟冬寒氣至北風何慘慄愁多知夜長仰觀衆星列三
五明月滿四五蟾兔缺客從遠方來遺我一書札上言
長相思下言久離別置書懷袖中三歲字不滅一心抱
區區懼君不識察

客從遠方來遺我一端綺相去萬餘里故人心尚爾文
彩雙鴛鴦裁爲合歡被著以長相思緣以結不解以膠
投漆中誰能別離此

明月何皎皎照我羅牀幃憂愁不能寐攬衣起徘徊客
行雖云樂不如早旋歸出戶獨彷徨愁思當告誰引領

還入房淚下沾裳衣

古詩

八首蘭若一首或作枚乘十五一首入樂府

上山採靡蕪下山逢故夫長跪問故夫新人復何如新

人雖言

一作云

好未若故人姝顏色類相似

一作其色似相類手

爪不相如新人從門入故人從閣去新人工織縑故人

工織素織縑日一匹織素五丈

一作尺

餘將

一作持縑來

將比素新人不如故

四坐且莫誼願聽歌一言請說銅爐器崔嵬象南山上

枝似松柏下根據銅盤雕文各異類離婁自相聯誰能

爲此器公輸與魯班朱火然其中青烟颺其間從風入

君懷四坐莫不歡香風難久居空令蕙草殘

悲與親友別氣結不能言贈子以自愛道遠會見難人

生無幾時顛沛在其間念子棄我去新心有所歡結志

青雲上何時復來還

穆穆清風至吹我羅衣裾青袍似春草長條隨風舒朝

登津梁山褰裳望所思安得抱柱信皎日以爲期

蘭若生春陽涉冬猶盛滋願言追昔愛情欸感四時美

人在雲端天路隔無期夜光照玄陰長嘆念

一作戀所思

誰謂我無憂積念發狂癡

橘柚垂華實乃在深山側聞君好我甘竊獨自彫飾委

身玉盤中歷年異見食芳菲不相投青黃忽改色人儻
欲我知因君爲羽翼

十五從軍征八十始得歸道逢鄉里人家中有阿誰遙
望是君家松柏冢纍纍兔從狗竇入雉從梁上飛中庭
生旅穀井上生旅葵烹穀持作飯采葵持作羹羹飯一
時熟不知貽阿誰出門東向望淚落沾我衣

新樹蘭蕙葩雜用杜蘅草終朝采其華日暮不盈抱采
之欲遺誰所思在遠道馨香易銷歇繁華會枯槁悵望
何所言臨風送懷抱

古詩

步出城東門遙望江南路前日風雪中故人從此去我
欲渡河水河水深無梁願爲雙黃鸝高飛還故鄉

古詩 二首

採葵莫傷根傷根葵不生結交莫羞貧羞貧交不成
甘瓜抱苦蒂美棗生荆棘利傍有倚刀貧人還自賊

古詩 二首

青青陵中草傾葉晞朝日陽春被惠澤枝葉可攬結
石上生菖蒲一寸八九節仙人勸我餐令人好顏色

擬古

十二首 靡靡一首入樂府

晉陸機

悠悠行邁遠戚戚憂思深此思亦何思思君微與音

微日夜離緬邈若飛沈王鮪懷河岫晨風思北林遊子
眇天末還一作遠期不可尋驚飈寒反信歸雲難寄音佇
立想萬里沈憂萃我心攬衣有餘帶循形不盈衿去去
遺情累安處撫清琴右擬行行重行行

閒夜命懽友置酒迎風館齊僮梁甫吟秦娥張女彈哀
音繞棟宇遺響入雲漢四座咸同志羽觴不可筭高談
一何綺蔚若朝霞爛人生無幾何為樂常苦宴譬彼伺
晨鳥揚聲當及日曷為恒憂苦守此貧與賤右擬今日
良宴會
昭昭清漢輝粲粲光天步牽牛西北迴織女東南顧華
容一何冶揮手如振素怨彼河無梁悲此年歲暮跋彼

無良緣皖焉不得度引領望大川雙涕如雨露右擬迢迢牽牛

上山采瓊蘂窮谷饒芳蘭采采不盈掬悠悠懷所歡故
鄉一何曠山川阻且難沈思鍾萬里躑躅獨吟歎右擬涉江

靡靡江蘼草熠熠一作耀生河側皎皎彼姝女阿那當軒
織粲粲妖容姿灼灼美顏色良人遊不歸偏棲獨隻翼
空房來悲風中夜起歎息右擬青青河畔草

安寢北堂上明月入我牖照之有餘輝攬之不盈手涼
風繞曲房寒蟬鳴高柳踟躕感節物我行永已久游宦

會無成離思難常守

右擬明月何皎皎

嘉樹生朝陽凝霜封其條執心守時信歲寒終不彫美人何其曠灼灼在雲霄隆想彌年月長嘯入飛飈引領望天末譬彼向陽翹

右擬蘭若生朝陽

冉冉高陵蘋習習隨風翰人生當幾時譬彼濁水瀾戚戚多滯念置酒宴所歡方駕振飛轡遠遊入長安名都一何綺城闕鬱盤桓飛閣纓虹帶層臺冒雲冠高門羅北闕甲第椒與蘭俠客控絕景都人驂玉軒遨遊放情願慷慨爲誰歎

右擬青青陵上栢

西山何其峻層曲鬱崔嵬零露彌天墜蕙葉憑林衰寒

暑相因襲時逝忽如頽三閭結飛轡大耋嗟落暉曷爲牽世務中心若有違京洛多妖麗玉顏倅瓊蕤閒夜撫鳴琴惠音清且悲長歌赴促節哀響逐高微一唱萬夫

歎再唱梁塵飛思爲河曲鳥雙游灑水湄

右擬東城一何高

高樓一何峻迢迢峻而安綺窻出塵冥飛陛躡雲端佳人撫琴瑟纖手清且閑芳氣隨風結哀響馥若蘭玉容誰能一作顧傾城在一彈佇立望日昃躑躅再三歎不怨佇立久但願歌者歡思駕歸鴻羽比翼雙飛翰

右擬西北有高樓

歡友蘭時往迢迢匿音微虞淵引絕景四節逝若飛芳

草久已茂佳人竟不歸躑躅遵林渚惠風入我懷感物戀所歡采此欲貽誰

右擬庭中有奇樹

歲暮涼風發昊天肅明明招搖西北指天漢東南傾明月照閒房蟋蟀吟戶庭翻翻歸鴈集嘒嘒寒蟬鳴疇昔同宴友翰飛戾高冥服美改聲聽居愉遺舊情織女無機杼大梁不架楹

右擬明月皎夜光

擬古

四首 淒淒一首入樂府

宋南平王鑠

眇眇陵長道遙遙行遠之廻車背京里一作揮手從此辭堂上流塵生庭中綠草滋寒蟄翔水曲秋兔依山基芳年有華月佳人無遠期日夕涼風起對酒長相思悲

發江南調憂委子衿詩臥覺明燈晦坐見輕紈緇淚容

不可飾幽鏡難復治

一作持

願垂薄暮景照妾桑榆時

右擬

行行重行行

落宿半遙城浮雲藹層闕玉宇來清風羅帳延秋月結

思想伊人沈憂懷明發誰為容行久屢見流芳歇河廣

川無梁山高路難越

右擬明月何皎皎

白露秋風始秋風明月初明月照高樓露落

一作白露

皎玄

除迨及涼風起行見寒林疎客從遠方至贈我千里書

先敘懷舊愛未陳久離居一章意不盡三復

一作幅

情有

餘願遂平生志無使甘言虛

右擬孟冬寒氣至

淒淒含露臺肅肅迎風館思女御櫺軒哀心一作徹雲聲

漢端撫悲絃泣獨對明燈歎良人久遙役耿介終昏

楚楚秋水歌依依採菱彈右擬青青河畔草

擬客從遠方來 謝惠連

客從遠方來贈我鵠文綾貯以相思篋緘以同心繩裁

為親身服著以俱寢興別來經年歲歡心不可凌瀉酒

置井中誰能辨斗升合如杯中水誰能判淄澠

前題 鮑令暉

客從遠方來贈我漆鳴琴木有相思文絃有別離音終

身執此調歲寒不改心願作陽春曲宮商長相尋

擬青青陵上栢 鮑照

涓涓亂江泉綿綿橫海烟浮生旅昭世空事歎華年書

翰幸閒暇我酌子縈絃飛鑣出荆路鴛服指秦川渭濱

富皇居鱗館匝河山輿童唱秉椒權女歌采蓮孳愉鸞

閣上窈窕鳳楹前娛生信非謬安用求多賢

雜詩 漢孔融

巖巖鍾山首赫赫炎天路高明曜雲門遠景灼寒素昂

昂累世士結根在所固呂望老匹夫苟為因世故管仲

小囚臣獨能建功祚人生有何常但患年歲暮幸托不

肖軀且當猛虎步安能苦一身與世同舉厝由不慎小

節庸夫笑我度呂望尚不希夷齊何足慕

遠送新行客歲暮乃來歸入門望愛子妻妾向人悲聞
子不可見日已潛光輝孤墳在西北常念君來遲寒裳
上墟丘但見蒿與薇白骨歸黃泉肌體乘塵飛生時不
識父死後知我誰孤魂遊窮暮飄飄安所依人生圖享
息爾死我念追俛仰內傷心不覺淚沾衣人生自有命
但恨生日希

雜詩 二首

魏文帝

漫漫秋夜長烈烈北風涼展轉不能寐披衣起彷徨一作
彷徨忽已久白露沾我裳俯視清水波仰看明月光

天漢回西流三五正縱橫草蟲鳴何悲孤鴈獨南翔鬱
鬱多悲思綿綿思故鄉願飛安得翼欲濟河無梁向風
長歎息斷絕我中腸

西北有浮雲亭亭如車蓋惜哉時不遇適與飄風會吹
我東南行行行至吳會吳會非我鄉安得久留滯棄置
勿復陳客子常畏人

雜詩 六首

陳思王植

高臺多悲風朝日照北林之子在萬里江湖迥且深芳
舟安可極離思故難任孤鴈飛南游過庭長哀吟翹思
慕遠人願欲托遺音形影忽不見翩翩傷我心

轉蓬離本根飄颻隨長風何意迴颺舉吹我入雲中高

高上無極天路安可窮類此游客一作流宕子捐軀遠從戎

毛褐不掩形薇藿常不克去去莫復道沈憂令人老

西北有織婦綺縞何續紛明晨乘機杼日昃不成文太

息終長夜悲嘯入青雲妾身守空閨良人行從軍自期

三年歸今已歷九春飛一作孤鳥遶樹翔嗷嗷鳴索羣願

為南流景馳光見我君

南國有佳人容華若桃李朝游江北岸夕宿瀟湘汜時

俗薄朱顏誰為發皓齒俛仰歲將暮榮耀難久恃

攬衣出中閨逍遙步兩楹閒房何寂寞綠草被堦庭空

空一作穴自生風百鳥翩南征春思安可忘憂戚與我并

佳人在遠道妾身單且歎歡會難再遇芝蘭不重榮人

皆棄舊愛君豈若平生寄松為女蘿依水如浮萍齋身

奉衿帶朝夕不墮傾儻終顧盼恩一作儻能永副我中

情

悠悠遠行客去家千餘里出亦無所之人亦無所止浮

雲翳日光悲風動地起

情詩

微陰翳陽景清風飄我衣遊魚潛綠水翔鳥薄天飛眇

眇客行士遙役不得歸始出嚴霜結今來白露晞遊子

歎黍離處者歌式微慷慨對嘉賓悽愴內傷悲

雜詩 五首

王粲

吉日簡清時從君出西園方軌策良馬並驅厲中原北
臨清漳水西看柏陽山回翔遊廣囿逍遙波水間

列車息衆駕相伴綠水湄幽蘭吐芳烈芙蓉發紅暉百
鳥何續翻振翼羣相追投網引潛魚一作鯉強弩下高飛

白日已西邁歡樂忽忘歸

聯翩飛鸞鳥獨遊無所因毛羽照野草哀鳴入層雲我
尚假羽翼飛覩爾形身願及春陽會交頸邁殷勤

鷺鳥化爲鳩遠竄江漢邊遭遇風雲會託身鸞鳳間天

姿既否戾受性又不閑邂逅見逼迫俛仰不得言

日暮遊西園冀寫一作寫我憂思情曲池揚素波列樹敷丹

榮上有特棲鳥懷春向我鳴褰袵欲從之路險不得征

徘徊不能去佇立望爾形風飈揚塵起白日忽已冥回

身入空房託夢通精誠人欲天不違何懼不合并

雜詩 二首

徐幹

沈陰結愁憂愁憂爲誰興念與君相別各在天一方良
會未有期中心摧且傷不聊憂餐食慊慊常饑空端坐

而無爲髣髴君容光

峩峩高山首悠悠萬里道君去日已遠鬱結令人老人

生一世間忽若暮春草時不可再得何爲自愁惱每誦
昔鴻恩賤軀焉足保

情詩

高殿鬱崇崇廣厦淒泠泠微風起閨闈落日照階庭
躑躅雲屋下笑歌倚華楹君行殊不返我飾爲誰榮
鑪薰闔不用鏡匣上塵生綺羅失常色金翠暗無精
嘉肴既忘御旨酒亦常停顧瞻空寂寂唯聞燕雀聲
憂思連相屬中心如宿醒

雜詩 二首

劉楨

職事相煩

一作

填委文墨紛消散馳翰未暇食日昃不知

晏沈迷簿領書回回自昏亂釋此出西城登高且遊觀
方塘含白水中有鳧與鴈安得肅肅羽從爾浮波瀾
天地無期竟民生甚局促爲稱百年壽誰能應此錄
低昂倏忽去炯若風中燭
翩翩野青雀栖宿莎棘藩朝食平田粒夕飲曲池泉
猥出蔚叢中乃至丹山顛

雜詩

二首 一作應璩

應璩

細微可不慎隄潰自蟻穴一作腴理蚤從事安復勞鍼
石哲人覩未形愚夫闇明白曲突不見賓煇爛爲上客
思願獻良規江海倘不逆狂言雖寡善猶有如雞跖雞

跖食不已齊王為肥澤

散騎常師友朋疑作朝夕進規獻侍中在喉舌萬機無不

亂尚書統庶事官人秉法憲彤管弭納言貂璫表武弁

出入承明廬車服一何煥三寺齊榮秩百僚所瞻願

雜詩 一作三叟

應璩

古有行道人陌上見三叟年各百餘歲相與鋤禾莠住
車問三叟何以得此壽上叟前致辭內中嫗貌醜中叟
前致辭量腹節所受下叟前致辭夜臥不覆首要哉三
叟言所以能長久

雜詩 一首

阮瑀

臨川多悲風秋日苦清涼客子易為戚感一作對此用哀

傷攬衣起躑躅上觀心與房三星守故次明月未收光

雞鳴當何時朝晨尚未央還坐長歎息憂憂安可忘

我行自凜秋季冬乃來歸置酒高堂上友朋集光輝念

當復離別涉路險且夷思慮益惆悵淚下沾裳衣

雜詩

繁欽

世俗有險易時運有盛衰老氏和其光遽瑗貴可懷

擬古

何晏

雙鶴一作鴻鶴比翼遊羣飛戲太清常恐失一作入網羅憂禍

一旦并豈若集五湖順流唳浮萍逍遙放志意一作寧曠中

懷
何為怵惕驚

古詩 二首

晉傅玄

東方大明星光景照千里少年舍家遊思心晝夜起
飛蓬隨飄起芳草摧山澤世有千年松人生詎能百

雜詩 四首

志士惜日短愁人知夜長攝衣步前庭仰觀南鴈翔玄
景隨形運流響歸空房清風何飄飄微月出西方繁星
衣一作青天列宿自成行蟬鳴高樹間野鳥號東廂織
雲時鬢髮渥露沾我裳良時無停景北斗忽低昂常恐
寒節至凝氣結為霜落葉隨風摧一絕如流光

閒夜微風起明月照高臺清響呼不應玄景招不來
人進藿茹有酒不盈杯安貧福所與富貴為禍媒金玉
雖高堂於我賤蒿萊

鵲巢丘城側雀乳空井中居不附龍鳳常畏蛇與蟲依
賢義不恐近暴自當窮

炎旱歷三時天運失其道河中飛塵起野田無生草一
餐重丘山哀之以終老君無半粒儲形影不相保

擬古

張華

松生龍坂上百尺下無枝東南望河尾西北隱崑崖剛
風振山籟閉鳥夜驚離悲涼貫年節葱翠恒若斯安得

草木心不怨寒暑移

雜詩 二首

晷度隨天運四時互相承東壁正昏中涸陰寒節升繁
霜降當夕悲風中夜興朱火青無光蘭膏坐自凝重衾
無暖氣挾纒如懷冰伏枕終遙夕寤言莫予應永思慮
崇昔慨然獨拊膺

逍遙游春空

一作宮

容與淥池阿白蘋開素葉朱草茂丹

華微風搖蕙若增波動芰荷榮彩曜中林流馨入綺羅
王孫遊不歸修路邈以遐誰與翫遺芳佇立獨咨嗟
在昔日月運寒暑忽流易同好逝不存迢迢遠離析房

權自來風戶庭無行迹兼葭生牀下蛛蝥網四壁懷思
豈不隆感物重鬱積遊鴈比翼翔歸鴻知接鬪來哉彼
君子無愁徒自隔

情詩 五首

清風動帷簾晨月照

一作燭

幽房佳人處遐遠蘭室無容

光襟懷擁虛景輕衾覆空牀居歡惜夜促在戚怨宵長
拊枕獨嘯歎感慨心內傷

游目四野外逍遙獨延佇蘭蕙綠清渠繁華蔭綠渚佳
人不在茲取此欲誰與巢居知風寒穴處識陰雨不曾
遠別離安知慕儔侶

秋風乘夕起明月照高樹閒房來清氣廣庭發暉素靜
寂愴然歎惆悵忽一作出遊顧仰視垣上草俯察階下露
心虛體自輕飄颻若仙步瞻彼陵上柏想與神人遇道
深難可期精微非所慕勤思終遙夕永言寫情慮

雜詩

左思

秋風何冽冽白露爲朝霜柔條旦夕勁綠葉日夜黃明
月出雲崖皦皦流素光披軒臨前庭嗷嗷晨鴈翔高志
局四海塊然守空堂壯齒不恒居歲暮常慨慷

雜詩

孫綽

野馬閑於羈澤雉屈於樊神王自有所何爲人事間

雜詩

二首一忽有一飛鳥別作一首張翰

暮春和氣應白日照園林青條若總翠黃華如散金嘉
丹亮有觀顧此難久耽延頸無良塗頓足託幽深榮與
壯俱去賤與老相尋歡樂不照顏慘愴發謳吟謳吟何
嗟及古人可慰心

東鄰有一樹三紀裁可拱無花復無實亭亭雲中竦隙
禽不爲巢短翮莫肯任忽有一飛鳥五色雜英華一鳴
衆鳥至再鳴衆鳥羅長鳴搖羽翼百鳥互相和

雜詩

十首

張協

秋夜涼風起清氣蕩暄濁蜻蛚吟階下飛蛾拂明燭君

子從遠役佳人守笑獨離居幾何時鑽燧忽改木房櫳
無行跡庭草萋以綠青苔依空墻蜘蛛網四屋感物多
所懷沈憂結心曲

大火流坤維白日馳西陸浮陽映翠林迴飈扇綠竹飛
雨灑朝蘭輕露棲叢菊龍蟄暄氣凝天高萬物蕭瑟條
不重結芳蕤豈再馥人生瀛海內忽如鳥過目川上之
歎逝前修以自勗

金風扇素節丹霞啓陰期騰雲似涌烟密雨如散絲寒
花發黃采秋草含綠滋閨居玩萬物離羣戀所思案無
蕭氏牘庭無貢公綦高尚遺王侯道積自成基至人不

嬰物餘風足染時

朝霞迎白日丹氣臨暘

湯

一作

谷霧翳結繁雲森森散雨

足輕風摧勁草凝霜竦高木密葉日夜疎叢林森如束
疇昔歎時遲晚節悲年促歲暮懷百憂將從季主卜

昔我資章甫聊以適諸越行行入幽荒歐

一作

駱從祝

髮窮年非所用此貨將安設甕甌夸與璠魚目笑明月
不見郢中歌能否居然別陽春無和者巴人皆下節流
俗多昏迷此理誰能察

朝登魯陽關狹路峭且深流澗萬餘丈圍木數千尋咆
虎響窮山鳴鶴聒空林淒風爲我嘯百籟坐自吟感物

多思情在險易常心竭來戒不虞挺轡越飛岑玉陽驅
九折周文走岑峯經阻貴勿遲此理著來今

此鄉非吾地此郭非吾城羈旅無定心翩翩如懸旌出
覩軍馬陣入聞鞞鼓聲常懼羽檄飛神武一朝征長鉞
鳴鞘中烽火列邊亭捨我衡門衣更被縵胡纓疇昔懷
微志帷幕竊所經何必操干戈堂上有奇兵折衝樽俎
間制勝在兩楹巧遲不足稱拙速乃垂名

述職投邊城羈束戎旅間下車如昨日望舒四五圓借
問此何時胡蝶飛南園流波戀舊浦行雲思故山閩越
衣文虵胡馬願度燕風土安所習出來有固然

結宇窮岡曲耦耕幽藪陰荒庭寂以閒幽山一作岫峭且

深淒風起東谷有滄興南岑雖無箕畢期膚寸自成霖
澤雉登壘確寒猿擁條吟溪壑無人跡荒楚鬱蕭森投
耒循岸垂時聞樵採音重基可擬志廻淵可比心養真
尚無爲道勝貴陸沈游思竹素園寄辭翰墨林

墨蜈躍重淵商羊儻野庭飛廉應南箕豐隆迎號屏雲
根臨八極雨足灑四溟霖瀝過二旬散漫亞九齡階下
伏泉涌堂上水衣生洪潦浩方割人懷昏墊情沈液漱
陳根綠葉腐秋莖里無曲突烟路無行輪聲環堵自頽
毀垣閭不隱形尺燼重尋桂紅粒貴瑤瓊君子守固窮

在約不爽貞雖榮田方贈慙為溝壑名取志於陵子比
足一作黔婁生

雜詩

王讚

朔風動秋草邊馬有歸心胡寧久分析靡靡忽至今王
事離我志殊隔過商參昔往鶴鷓鳴今來蟋蟀吟人情
懷舊鄉客鳥思故林師涓久不奏誰能宣我心

雜詩 三首

楊方

獨坐空室中愁有數千端悲響答愁歎哀涕應苦言一作
彷徨四顧望白日入西山不覩佳人來但見飛鳥還
飛鳥亦何樂夕宿自作羣

飛黃銜長轡翼翼回輕輪俯涉淥水澗仰過九層山修
途曲且險秋草生兩邊黃華如杳金白花如散銀青駮
羅翠采絳葩象赤雲爰有承露枝紫榮合素芬扶疎重
清藻布翹芳且鮮目為豔采回心為奇色旋撫心憫孤
客俯仰還自憐踟躕向壁歎攬筆作此文

南鄰一作林有奇樹承春挺素華豐翹被長條綠葉蔽朱

柯因風吐徽音芳氣入紫霞我心羨此木願徙著予家
夕得遊其下朝得弄其葩爾根深且堅一作固予宅淺且
濬移植良無期歎息將如何

擬古

袁宏

高館百餘仞迢遞虛中亭文幌曜瓊扇碧疏映綺櫺

擬古 九首

陶淵明

榮榮牕下蘭密密堂前柳初與君別時不謂行當久出
門萬里客中道逢嘉友未言心先一作相醉不在接杯酒
蘭枯柳亦衰遂令此言負多謝諸少年相知不患厚意
氣傾人命離隔復何有

辭家夙嚴駕當往志

一作至

無終問君今何行非商復非

戎聞有田子春節義為士雄斯人久已死鄉里習其風
生有高世名既沒傳無窮不學狂馳子直在百年中
仲春邁時雨始雷發東隅衆蟄各潛駭草木縱橫舒翩

翻新來燕雙雙入我廬先巢故尚在相將還舊居自從
分別來門庭日荒蕪我心固匪石君情定何如

迢迢百尺樓分明望四荒暮作歸雲宅朝為飛鳥堂山
河滿目中平原獨茫茫古時功名士慷慨爭此場一旦
百歲後相與還北邙松柏為人伐高墳互低昂頽墓無
遺主遊魂在何方榮華誠足貴亦復可憐傷

東方有一士被服常不完三旬九遇食十年著一冠辛
苦無此比常有好看顏我欲觀其人晨去越河關蕭松
夾路生白雲宿簷端知我故來意取琴為我彈上絃驚
別鶴下絃操孤鸞願留就君住從今至歲寒

五言古詩 卷十六 二十三
蒼蒼谷中樹冬夏常如茲年年見霜雪誰謂不知時厭
聞世上語結友到臨淄稷下多談士指彼決吾疑裝束
既有日已與家人辭行行停出門還坐更自思不怨道
里長但畏人我欺萬一不合意永為世笑之伊懷難具
道為君作此詩

日暮天無雲春風扇微和佳人美清夜達曙酣且歌歌

竟長歎息持此感人多皎皎一作明明雲間月灼灼葉中華

豈無一時好不久當如何

少時一作年壯且厲撫劍獨行遊誰言行遊近張掖至幽

州饑食首陽薇渴飲易水流不見相知人惟見古時丘

路邊兩高墳伯牙與莊周此士難再得吾行欲何求
種桑長江邊三年望當採枝條始欲茂忽值山河改柯
葉自摧折根株浮滄海春蠶既無食寒衣欲誰待本不
植高原今日復何悔

雜詩 十二首

人生無根蒂飄如陌上塵分散逐風轉此已非常身落

地為兄弟一作流落成弟兄何必骨肉親得懽當作樂斗酒聚

比鄰盛年不重來一日難再晨及時當勉勵歲月不待

人

白日淪西河素月出東嶺遙遙萬里輝蕩蕩空中景風

五言古詩 卷十六 二十四
來入房戶夜中枕席冷氣變悟時易不眠知夕永欲言
無子和揮杯勸孤影日月擲人去有志不獲騁念此懷
悲悽終曉不能靜

榮華難久居盛衰不可量昔爲三春蕖今作秋蓮房嚴
霜結野草枯悴未遽央日月有環周我去不再陽眷眷
徃昔時憶此斷人腸

丈夫志四海我願不知老親戚共一處子孫還相保觴
絃肆朝日罇中酒不燥緩帶盡歡娛起晚眠常早孰若
當世士冰炭滿懷抱百年歸丘壟用此空名道

憶我少壯時無樂自忻豫猛志逸四海騫翮思遠翥荏
苒歲月頽此心稍已去值歡無復娛每每多憂慮氣力
漸衰損轉覺日不如壑舟無須臾引我不得住前途當
幾許未知止泊處古人惜寸陰念此使人懼

昔聞長者言掩耳每不喜奈何五十年勿已親此事求
我盛年歡一毫無復意去去轉欲遠此生豈再值傾家
時作樂竟此歲月駛有子不留金何用身後置

日月不肯遲四時相催迫寒風拂枯條落葉掩長陌弱
質與運頽玄鬢早已白素標挿人頭前途漸就窄家爲
逆旅舍我如當去客去去欲何之南山有舊宅

代耕本非望所業在田桑躬親未曾替寒餒常糟糠豈

五言古詩 卷十一
期過滿腹但願飽粳糧御冬足大布麗絺以應陽正爾
不能得哀哉亦可傷人皆盡獲宜拙生失其方理也可
柰何且爲陶一觴

遙遙從羈役一心處兩端掩淚汎東逝順流追時遷日
沒星與昂勢翳西山巔蕭條隔天涯惆悵念長餐慷慨
思南歸路遐無由緣關梁難虧替絕音寄斯篇

閒居執蕩志時駛不可稽驅役無停息軒裳逝東崖沈
陰擬薰麝寒氣激我懷歲月有常御我來淹已彌慷慨
憶網繆此情久已離荏苒經十載暫爲人所羈庭宇翳
餘木倏忽日月虧

我行永云遠回顧慘風涼春燕應節起高飛拂塵梁邊
鴈悲無所代謝歸北鄉離鷗鳴清池涉暑經秋霜愁人
難爲辭遙遙春夜長

嫋嫋松標崖婉孌柔童子年始三五間喬柯何可倚養
色含精氣粲然有心理

雜詩二首

陸冲

命駕遵長途綿邈途難尋我行亦何艱山川阻且深洿
澤無夷軌重巒有層陰零雨淹中路玄雲蔽高岑俯悼
孤行獸仰歎偏翔禽空谷回悲響流風漂哀音羈旅淹
留久悵望愁我心

肆觀野原外放心希太和景嶽造天漢豐林冒重阿清
芬葉風散豔藻映淥波

雜詩 二首

宋王微

桑妾獨何懷傾筐未盈把自言悲苦多排却不肯捨妾
悲叵陳訴填憂不銷冶寒鴈歸所從半塗失憑假壯情
并驅馳猛氣捍朝社常懷雲漢慙常欲復周雅重名好
銘勒輕軀願圖寫萬里度沙漠懸師蹈朔野傳聞兵失
利不見來歸者奚處理於麾何處喪車馬拊心悼恭人
零淚覆面下徒謂久別離不見長狐寡寂寂掩高門寥
寥空廣廈待君竟不歸收顏今就

思婦臨高臺長想憑華軒美絃不成曲哀歌迭苦言
帝留江介良人處鴈門詎憶無衣苦但知狐白溫日暗
牛羊下野雀滿空園孟冬寒風起東壁正中昏朱火獨
照人抱景自愁怨誰知心曲亂所思不可論

古辭

鮑照

容華不待年何爲客遊梁九月寒陰合悲風斷君腸歎
息空房婦幽思坐自傷勞心結遠路惆悵獨未央

擬古 八首

魯客事楚王懷金襲丹素既荷主人恩又蒙令尹顧日

宴罷朝歸輿

一作

馬塞衢路宗黨生光輝

一作

賓僕遠

五言古詩 卷一六 二
傾慕富貴人所欲道得亦何懼南國有儒坐迷方獨淪
誤伐木清江湄設置守甕兔

十五諷詩書篇翰靡不通弱冠叅多士飛步游秦宮側
覩君子論預見古人風兩說窮舌端五車摧筆鋒羞當
白璧貺耻受聊城功晚節從世務乘障遠和戎解佩襲
犀渠卷袞奉盧弓始願力不及安知今所終

幽并重騎射少年好馳逐瓊帶佩雙鞬象弧捕彫服獸
肥春草短飛鞚越平陸朝游鴈門上暮還樓煩宿石梁
有餘勁驚雀無全目漢虜方未和邊城屢翻覆留我一

白羽將以分符

一作竹

鑿井北陵隈百丈不及泉生事本瀾漫何用獨精堅幼

壯重寸陰衰暮及輕年放駕息朝歌提爵止中山

一作

日夕登城隅周迴視洛川街衢積凍草城郭宿寒烟繁
華悉何在宮闕久崩填空謗齊景非徒稱夷叔賢

伊昔不治業倦遊觀五都海岱饒壯士蒙泗多宿儒結
髮起躍馬垂白對講書呼我升上席陳解發瓢壺管仲
死已久墓在西北隅後面崔嵬者桓公舊塚廬君來誠
既晚不覩崇明初玉琬徒見傳交友義漸疎

東薪幽篁裏刈黍寒澗陰朔風傷我肌號鳥驚思心歲
暮井賦訖程課相追尋田租送函谷獸藁輸上林河渭

水未開關隴雪正深笞擊官有罰呵辱吏見侵不謂乘
軒意伏櫪還至今

河畔草未黃胡鴈已矯翼秋螿扶戶吟寒婦成夜織去
歲征人還流傳舊相識聞君上隴時東望久歎息宿昔
改衣帶朝旦一作旦暮異容色念此憂如何夜長愁更多明
鏡塵匣中瑤琴生網羅

蜀漢多奇山仰望與雲平陰崖積夏雪陽谷散秋榮朝
朝見雲歸夜夜聞猿鳴憂人本自悲孤客易傷情臨堂
設樽酒留酌思平生石以堅為性君勿慙一作素誠

紹古辭七首

橘生湘水側菲陋人莫傳逢君金華宴得在玉几前三
川窮名利京洛富妖妍恩榮難久恃隆寵易衰偏觀席
妾悽愴覩翰君泫然徒抱忠孝志猶為葑菲遷
昔與君別時蠶妾初獻絲何言年月駛寒衣已擣治絲
繡多廢亂篇帛久塵緇離心壯為劇飛念如懸旗石席
我不爽德音君勿欺

瑟瑟涼海風竦竦寒山木紛紛羈思盈慊慊夜弦促訪
言山海路千里歌別鶴絃絕空咨嗟形音誰賞錄辛苦
異人狀美貌改如玉徒畜巧言鳥不解心欵曲

孤鴻散江嶼連翩遵渚飛含嘶衡桂浦馳顧河朔畿攢

攢勁秋木昭昭淨冬暉
牕前滌歡爵帳裏縫舞衣
芳歲猶自可日夜望君歸

憑檻翫夜月迴眺出谷雲
還山路已遠往海不及羣
徘徊清淮汭顧慕廣江濱
物情乖喜歇守操古難聞
三越豐少姿容態傾動君

開黛觀容

一作朝

顏臨鏡訪遙塗君子事
河源彌祀闕還

書春風掃地起飛塵生綺
疏文袿為誰設羅帳空卷
舒不怨身孤寂但念星隱
隅

暖歲節物早萬萌迎春
迤春風夜嫵娟春霧朝
曉靄軟蘭葉可采柔桑條
易折怨咽對風景悶誓守
閨闈天傳

一作賦

一作

愁民命含生但契濶憂來
無行伍歷亂如覃葛

學古

北風十二月雪下如亂巾
實是愁苦節惆悵憶

一作情別

親會禮兩少妾同是洛陽
人嫖綿好眉目閒麗美腰
身疑膚皎若雪明淨色如
神騎愛生盼矚聲媚起朱
唇衿服襍緹績首飾亂瓊
珍調絃俱起舞為我唱梁
塵人生貴得意懷願待君
申幸值嚴冬暮幽夜方未
晨齊衾久兩設角枕已雙
陳願君早休息留歌待三
春

效古

袁淑

評

一作訊

此倦遊士本家自遠東
昔隸李將軍十載事西

戎結車高闕下極望見雲中四面各千里從橫起嚴風
寒燠豈如節霜雨多異同夕寐北河陰夢還甘泉宮勤
役未云已壯年徒為空廼知古時人所以悲轉蓬

依古 和鄒郡王

王僧達

少年好馳俠宦遊關源既踐終古跡聊訊一作興亡
言隆周為藪澤皇漢成山樊久沒離宮地安識壽陵園
仲秋邊風起孤蓬卷霜根白日無精景黃沙千里昏顯
軌莫殊轍幽塗豈異菟聖賢良已矣抱命復何怨

擬古

王叔之

客從北方來言欲到交趾遠行無他貨惟有鳳皇子百

金我不欲千金難為市

古意 二首和王友德元

齊王融

遊禽暮知返行人獨未歸坐銷芳草氣空度明月輝
容入朝鏡思淚點春衣巫山彩雲沒淇上綠楊稀待君
竟不至秋鴈雙雙飛

霜氣下盟津秋風度函谷念君淒已寒當軒卷羅縠織
手廢裁縫曲鬢罷膏沐千里不相聞寸心鬱紛蘊况復
飛螢夜木葉亂紛紛

擬古 二首一前首作代藁砧後首作鏡臺

花蒂今何在亦是林下生何當垂雙髻團扇雲間明

鏡臺今何在寸身正相隨何當碎聯玉雲上壁已虧

古意 二首

梁武帝

飛鳥起離離驚散忽差池噉嘈繞樹上翩翩集寒枝既
悲征役久偏傷墮上兒寄言閨中妾此心詎能知不見
松蘿上葉落根不移

當春有一草綠葉復垂枝云是忘憂物生在北堂隱飛
飛雙蛺蝶低低兩差池差池低復起此芳性不移飛蝶
雙復隻此心人莫知

擬古

昭明太子統

晨風被庭槐夜露傷堦草霧苦瑤池黑霜凝丹墀皓疏

條索無陰落葉紛可掃安得紫芝術終然獲難老

古意

元帝

妾在成都縣願作高唐雲樽中石榴酒機上葡萄紋一作
裙停梭還歛色何時勸使君

效古

沈約

可憐桂樹枝單雄憶故雌歲暮異棲宿春至猶別離山
河隔長路路遠絕容儀豈云無可一作匹寸心終不移

古意

挾瑟叢臺下徙倚愛容光佇立日已暮戚戚苦人腸露
葵已堪摘淇水未沾裳錦衾無獨暖羅衣空自香明月

雖外照寧知心內傷

倣古

范雲

寒沙四面平飛雪千里驚風斷陰山樹霧失交河城朝
驅左賢陣夜薄休屠營昔事前軍幕今逐嫖姚兵失道
刑既重遲留法未輕所賴今天子漢道日休明

古意

七首賤妾一首入樂府

吳均

雜虜寇銅鞮征役去三齊扶山翦疏勒傍海掃沈黎劍
光夜揮電馬汗晝成泥何當見天子畫地取關西
匈奴數欲盡僕在玉門關蓮花穿劍鏑秋月掩刀環春
機思一作窈窕夏鳥鳴一作思綿蠻中人坐相望狂夫終

未還

西都盛冠蓋九達塵霧塞中有惡少年伎能專自得玉
鞭蓮花劍金苕流星勒聊為路傍人寫鞞長楸北

賤妾思不堪採桑渭城南帶減連枝繡髮亂鳳皇簪花
舞依長薄蛾飛愛綠潭無由報君信流涕向春蠶

妾本倡家女出入魏王宮既得承瑀輦亦在更衣中蓮
花銜青雀寶粟鈿金蟲猶言不得意流涕憶遼東

何處報君書隴右五岐路泪研兔枝墨筆染鵝毛素碧
浮孟渚水香下洞庭路應歸遂不歸芳春空擲度

妾家橫塘北發艷小長干花釵玉宛轉珠繩金絡統一作

九幕懸丹一作青鳳逶迤搖白團誰能分見此含恨不

能言一作誰堪久見此含恨不相看

學古 三首前首一作長安少年行 何遜

長安美少年羽騎暮連翩玉羈瑪瑙勒金絡珊瑚鞭陣
雲橫塞起赤日下城圓追兵待都護烽火望祁連虎落
夜方寢魚麗曉復前平生不可定空信蒼浪天

輦洛上東門薄暮川流側渾渾車馬道行人不相識日
夕棲鳥遠浮雲起新色寸心空延佇對面何由即飛輪
倘易去易去因風力

昔隨張博望辭帝長楊宮獨好西山勇思為北地雄十

年事河外雪一作雲鬢別關中季月邊秋重嚴野散寒蓬

日隱龍城霧塵起玉關風全狐君已復半菽我猶空欲


因上林鴈一見平陵桐

效古 贈丘永嘉征還

龍馬魚腸劍躡蹠起風塵結客蔥河返喧喧動四鄰入
墟猶憶舊得巷復疑新窺見應門出遙識下機人相悲
淚欲下離別方自陳

擬古聯句

家本青山下好上青山上青山不可上一上一惆悵遜
匣中一明鏡好鑑明鏡光明鏡不可鑑一鑑一情傷范雲



少知雅琴曲好聽雅琴聲雅琴不可聽一聽一沾纓劉孝綽

古意 春望

蕭子範

光景斜漢宮橫梁照采虹春情寄柳色鳥語出梅中氛
盪閨裏思透迤水上風落花徒入戶何解妾牀空

古意

劉孝綽

燕趙多佳麗白日照紅粧蕩子十年別羅衣雙帶長春
樓怨難守玉階空自傷復一作對此歸飛燕銜泥繞曲房
差池入綺幕上下傍雕梁故居猶可念故人安可忘相
思昏望絕宿昔夢容光竟交忽在御轉側定他鄉徒然

顧枕席誰與同衣裳空使蘭膏夜炯炯對鏡凝霜

古體雜意

劉孝威

朝日大風霜寄事足交傷葉落枝柯淨常自起碁張

擬古

何思澄

故交不可忘猶如蘭桂芳新知雖可悅不異茱萸香妾
有鳳皇曲無非陌上桑薦君君不御抱瑟自悲涼

古意

何子明

美人弄白日灼灼當春牖清鏡對蛾眉新花弄玉手燕
下拾池泥風來吹細柳君子何時歸與我酌樽酒

古意

王樞

應蕭信武教

朝取饑蠶食夜縫千里衣復聞南陌上日暮採蓮歸青
苔覆寒井紅藥間青薇人生樂自極良時徒見違何由
及新燕雙雙還共飛

雜詩

柳惲

雲輕暮色轉草綠晨芳歸山墟罷寒晦園澤閏朝暉春
心多感動睹物情復悲自君之去矣蘭堂罷鳴機徒知
遊宦是不念別離非

雜詩

施榮泰

趙女修麗姿燕姬正容飾粧成桃髮紅黛起草葱色羅
裙數十重猶輕一蟬翼不言殺袖輕專歎風多方鏘珮
玉池邊弄笑銀臺側折柳貽目成採蒲贈心識來時嬌
未盡還去媚何極

古意

二首

北齊顏之推

十五好詩書二十彈冠仕楚王賜顏色出入章華裏作
賦凌屈原讀書誇左史數從明月讌或侍朝雲祀登山
摘紫芝泛江採綠芷歌舞未終曲風塵暗天起吳師破
九龍秦兵割千里狐兔穴宗廟霜露沾朝市壁入邯鄲
宮劍去襄城水未獲殉陵墓獨生良足耻憫憫思舊都
惻惻懷君子白髮闕明鏡憂傷沒余齒
寶珠出東國美玉產南荆隋侯曜我色卞氏飛五聲已

加明稱物復飾夜光名驪龍旦夕駭白虹朝暮生華彩
 燭兼乘價值詎連城常悲黃雀起每畏靈蛟迎千刃安
 可捨一毀難復營昔為時所重今為時所輕願與濁泥
 會思將垢石并歸真川岳下抱潤潛其榮

雜詩 二首

亡名氏

巨細同一馬物化無常歸修鯤解長鱗鵬起扇雲飛撫
 翼搏積風仰凌垂天翬

蒼蒼陵上栢參差自成行童童安石榴列生神道傍

詩所第十六卷

終

詩所第十七卷

五言古詩

見志詩 二首

漢酈炎

大道夷且長窘路狹且促修翼無卑棲遠趾不步局舒
 吾凌霄羽奮此千里足超邁絕塵驅倏忽誰能逐賢愚
 豈常類稟性在清濁富貴有人籍貧賤無天錄通塞苟
 由已志士不相卜陳平敖里社韓信釣河曲終居天下
 宰食此萬鍾祿德音流千載功名重山嶽

靈芝生河洲動搖因洪波蘭榮一何晚嚴霜瘁其柯哀
 哉二芳草不植泰山阿文質道所貴遭時用有嘉絳灌
 臨衡宰謂誼崇浮華賢才抑不用遠投荆南沙抱玉乘

龍驥不逢樂與和安得孔仲尼爲世陳四科

言志

魏陳思王植

慶雲未時興雲龍潛作魚神鸞失其儔還從燕雀居

述志詩

二首

嵇康

潛龍育神軀濯鱗戲蘭池延頸慕大庭寢足俟皇義慶
雲未垂景盤桓朝陽陂悠悠非吾匹疇肯應俗宜殊類
難徧周鄙議紛流離軻軻丁悔吝雅志不得施耕耨感
寧越馬席激張儀逝將離羣侶杖策追洪崖焦鵬振六
翮羅者安所羈浮遊太清中更求新相知比翼翔雲漢
天露餐瓊枝多念世間人夙駕咸驅馳冲靜得自然榮
枯

華安足爲

斥鷃擅蒿林仰笑神鳳飛

一作安

坎井螭蛭宅神龜安所

歸恨自用身拙任意多永思遠實與世殊義譽非所希
往事既已謬來者猶可追何爲人事間自令心不爽慷
慨思古人夢想見容輝願與知己遇舒憤啓其微巖穴
多隱逸輕舉求吾師晨登箕一作西山巔日夕不知饑玄
居養營魄千載長自綏

詠懷

八十二首

阮籍

夜中不能寐起坐彈鳴琴薄帷鑒明月清風吹我襟孤
鴻號外野翔鳥鳴北林徘徊將何見憂思獨傷心

五言古詩 卷一
二妃遊江濱逍遙順風翔交甫懷環珮婉孌有芬芳猗
靡情歡愛千載不相忘傾城迷下蔡容好結中腸感激
生憂思萱草樹蘭房膏沐爲誰施其雨怨朝陽如何金
石交一旦更離傷

嘉樹下成蹊東園桃與李秋風吹飛藿零落從此始繁
華有憔悴堂上生荆杞驅馬舍之去去上西山趾一身
不自保何況戀妻子凝霜被野草歲暮亦云已

天馬出西北由來從東道春秋非有託富貴焉常保清
露被皐蘭凝霜霑野草朝爲媚一作美少年夕暮成飄老
白非王子晉誰能常美好

平生少年時輕薄好絃歌西遊咸陽中趙李相經過娛
樂未終極白日忽蹉跎驅馬復來歸反顧望三河黃金
百鎰盡資用常苦多北臨太行道失路將如何

昔聞東陵瓜近在青門外連畛距阡陌子母相鈎帶五
色曜朝日嘉賓四面會膏火自煎熬多財爲患害布衣
可終身寵祿豈足賴

炎暑惟茲夏三旬將欲移芳樹垂綠葉青雲自逶迤四
時更代謝日月遞參差一作差徘徊空堂上怵怛莫我知
願覩卒歡好不見悲別離

灼灼西墮日餘光照我衣迴風吹四壁寒鳥相因依周

五言古詩 卷十一
周尚銜羽蚤蚤亦念饑如何當路子磬折忘所歸豈爲
夸譽名惟悴使心悲寧與燕雀翔不隨黃鵠飛黃鵠遊
四海中路將安歸

步出上東門北望首陽岑下有采薇士上有嘉樹林良
辰在何許凝霜霑衣襟寒風振山岡玄雲起重陰鳴鴈
飛南征鷓鴣發哀音素質游商聲悽愴傷我心

北里多奇舞濮上有微音輕薄間遊子俯仰乍浮沈捷
徑從狹路僂俛趨荒淫焉見王子喬乘雲翔鄧林獨有
延年術可以一作慰我心

湛湛長江水上有楓樹林臯蘭被徑路青驪逝駸駸遠

望令人悲春氣感我心三楚多秀士朝雲進荒淫朱華
振芬芳高蔡相追尋一爲黃雀哀淚下誰能禁

昔日繁華子安陵與龍陽天天桃李花灼灼有輝光悅
懌若九春磬折似秋霜流盼發姿媚言笑吐芬芳攜手
等歡愛宿昔同衣裳願爲雙飛鳥比翼共翱翔丹青著
明誓永世不相忘

登高臨四野北望青山阿松柏翳岡岑飛鳥鳴相過感
慨懷辛酸怨毒常苦多李公悲東門蘇子狹三河求仁
自得仁豈復歎咨嗟

開秋兆涼氣蟋蟀鳴牀帷感物懷殷憂悄悄令心悲多

言焉所告繁辭將訴誰微風吹羅袂明月耀清暉晨雞
鳴高樹命駕起旋歸

昔年十四五志尚好詩書被褐懷珠玉顏閔相與期開
軒臨四野登高望所思丘墓蔽山岡萬代一作世同一時
千秋萬歲後榮名安所之乃悟美門子噉噉令自嗤
徘徊蓬池上還顧望大梁綠水揚洪波曠野莽茫茫走
獸交橫馳飛鳥相隨翔是時鴉火中日月正相望朔風
厲嚴寒陰氣下微霜羈旅無儔匹俛仰懷哀傷小人計
其功君子道其常豈惜終憔悴詠言著斯章

獨坐空堂上誰可與歡者出門臨永路不見行車馬登

高望九州悠悠分曠野孤鳥西北飛離獸東南下日暮
思親友晤言用自寫

懸車在西南羲和將欲傾流光耀四海忽忽至夕冥朝

爲咸池暉蒙汜受其榮豈知一作放窮達士一死不再生

視彼桃李花誰能久熒熒君子在何許歎息一作曠世未合

并瞻仰景山松可以慰吾情

西方有佳人皎若白日光被服織羅衣左右珮雙璜修

容耀姿美順風振微芳登高眺所思舉袂當一作向朝陽

寄顏雲霄間揮袖凌虛翔飄飄恍惚中流眄顧我傍悅

懌未交接晤言用感傷

楊朱泣岐路墨子悲染絲揖讓長離別飄颻難與期豈徒燕婉情存亡誠有之蕭索人所悲既覺不可辭趙女媚中山謙柔愈見欺嗟嗟塗上士何用自保持

於一作放心懷寸陰羲陽一作和將欲冥揮袂撫長劍仰觀

浮雲征一作行雲間有玄鶴抗志一作首揚哀聲一飛冲青

天曠一作疆世不再鳴豈一作安與鷓鴣遊一作徒連一作翩

戲中庭

夏后築靈輿夸父為鄧林存亡從變化日月有浮沈鳳皇鳴參差伶倫發其音王子好簫管世世相追尋誰言不可見青鳥明我心

東南有射山汾水出其陽六龍服氣輿雲蓋切一作覆天

縞仙者四五人逍遙晏蘭房寢息一純和呼翕成露霜

沐浴丹淵中炤耀日月光豈安通一作通靈臺游濛去高

翔

殷憂令志結怵惕常若驚逍遙未終晏朱華忽西傾蟋蟀

在戶牖螭蛄號中庭心腸未相好誰云亮我情願為

雲間鳥千里一哀鳴三芝延瀛洲遠遊可長生

拔劍臨白刃安能相中傷但畏工言子稱我三江旁飛

泉流玉山懸車棲扶桑日月徑千里素風發微霜勢一作

世路有窮達咨嗟安可長

朝登洪坡顛日夕望西山荆棘被原野羣鳥飛翩翩
鷺時一作棲宿性命有自然建木誰能近射干復嬋娟
不見林中葛延蔓相勾連

周鄭天下交街術當三河妖冶閒都子煥耀何芬葩玄
髮發一作照朱顏睇眄有光華傾城思一顧遺視來相誇
一作願願為三春遊朝陽忽蹉跎盛衰在須臾離別將如

何

若花一作木耀四一作西海扶桑翳瀛洲日月經天塗明暗
不相讐一作伴窮達自有常得失又何求豈效路上童攜
手共遨遊陰陽有變化誰云沈不浮朱鰲躍飛泉夜飛

過吳洲俛仰運天地再撫四海流繁累名利場驚駭同
一輶豈若遺耳目升遐去殷憂

昔余遊大梁登于黃華顛共工宅玄冥高臺造青天幽
荒邈悠悠悽愴懷所憐所憐者誰子明察自照妍一作應
應龍沈冀州妖女不得眠肆侈一作伎陵世俗豈云永

厥年

驅車出門去意欲遠征行征行安所如背弃夸與名夸
名不在已但願適中情單帷蔽皎日高榭隔微聲讒邪
使交疏浮雲令晝冥嬾婉同衣裳一顧傾人城從容在
一時繁華不再榮晨朝奄復暮不見所歡形黃鳥東南

飛寄言謝友生

駕言發魏都南向望吹臺簫管有遺音梁王安在哉戰
士食糟糠賢者處蒿萊歌舞曲未終秦兵已復來夾林
非吾有朱宮生塵埃軍敗華陽下身竟爲土灰

朝陽不再盛白日忽西幽去此若俯仰如何似九秋人
生若塵露天道邈悠悠齊景升丘山滄泗紛交流孔聖
臨長川惜逝忽若浮去者余不及來者吾不留願登太
華山上與松子遊漁父知世患乘流泛輕舟

一日復一夕一夕復一朝顏色改平常精神自損消胸
中懷湯火變化故相招萬事無窮極一作知謀苦不饒

但恐須臾間魂氣隨風飄終身履薄冰誰知我心焦
一日復一朝一昏復一晨容色改平常精神自飄淪臨
觴多哀楚思我故時人對酒不能言悽愴懷酸辛願耕
東臯陽誰與守其真愁苦在一時高行傷微身曲直何
所爲龍蛇爲我鄰

世務何繽紛人道苦不遑壯年以時逝朝露待太陽願
攬羲和轡白日不移光天階路殊絕雲漢邈無梁濯髮
暘谷濟遠遊崑嶽傍登彼列仙岨採此秋蘭芳時路烏
足爭太極可翱翔

誰言萬事難逍遙可終生臨堂翳華樹悠悠念無形徬

五言古詩 卷十一
九
惶思親友倏忽復至冥寄言東飛鳥可用慰我情
嘉時在今辰零雨灑塵埃臨路望所思日夕復不來人
情有感慨蕩漾焉能排揮涕懷哀傷辛酸誰語哉
炎光延萬里洪川蕩湍瀨彎弓掛扶桑長劔倚天外秦
山成砥礪黃河爲裳帶視彼莊周子榮枯何足賴捐身
棄中野烏鳶作患害豈若雄傑士功名從此大
壯士何慷慨志欲威八荒驅車遠行役受命念自忘良
弓挾烏號明甲有精光臨難不顧生身死魂飛揚豈爲
全軀士效命爭戰場忠爲百世榮義使令名彰垂聲謝
後世氣節故有常

混元生兩儀四象運衡璣曠日布炎精素月垂景輝
度有昭回哀哉人命微飄若風塵逝忽若慶雲晞修齡
適余願光寵非已威安期步天路松子與世違焉得凌
霄翼飄飄登雲湄嗟哉尼父志何爲居九夷

天網彌四野六翮掩不舒隨波紛綸客一作落汎汎若浮

鳧生命無期度朝夕有不虞列仙停修齡養志在沖虛
飄飄雲日間邈與世路殊榮名非已寶聲色焉足娛採
藥無旋返神仙志不符逼此良可惑令我久躊躇

王業須良輔建功俟英雄元凱康哉美多士頌聲隆陰
陽有舛錯日月不常融天時有否泰人事多盈沖園綺

遜南嶽伯陽隱西戎保身念道真寵耀焉足崇人誰不善始歎能尅厥終休哉上世士萬載垂清風

鴻鵠相隨飛飛適荒裔雙翮臨長風須臾萬里逝朝餐琅玕實夕宿丹山際抗身青雲中網羅孰能制豈與鄉曲士攜手共言誓

儔物終始殊修短各異方琅玕生高山芝英耀朱堂榮
燦桃李花成蹊將天傷焉敢希千術三春表微光自非
凌風樹憔悴鳥一作要有常

幽蘭不可佩朱草爲誰榮修竹隱山陰射干臨增城葛
藟延幽谷縣縣瓜瓞生樂極消靈神哀深傷人情竟知

憂無益豈若歸太清

鸞鳩飛桑榆海鳥運天池豈不識宏大羽翼不相宜招
搖安可翔不若棲樹枝下集蓬艾間上遊園圃籬但爾
亦自足用子爲追隨

生命辰安在憂戚涕沾襟高鳥翔山岡鷺雀棲下林青
雲蔽前庭素琴悽我心崇山有鳴鶴豈可相追尋

鳴鳩嬉庭樹焦明遊浮雲焉見孤翔鳥翩翩無匹羣死
生自然理消散何續紛

步遊三衢旁惆悵念所思豈爲今朝見恍惚誠有之澤
中生喬松萬世未一作安可期高鳥摩天飛凌雲共遊嬉

豈有孤行士垂涕悲故時

清露為凝霜華草成蒿萊誰云君子賢明達一作自安可

能乘雲招松喬呼噏永矣哉

丹心失恩澤重德喪所宜善言焉可長慈惠未易施不見南飛鷺羽翼正差池高子怨新詩三閭悼垂離何為混沌氏倏忽體貌隳

十日出暘谷弭節馳萬里經天耀四海倏忽潛濛汜誰言焱炎久遊沒河行俟逝者豈長生亦去荆與杞千歲

猶崇朝一餐聊自已一作百金子是非得失間焉足相譏理

計利知術窮哀情遽一作克能止

自然有成理生死道無常智巧萬端出大要不易方如

何夸毘子作色懷驕腸乘軒驅良馬憑几向膏梁被服

織羅衣深榭設閒房不見日夕華翩翩飛路傍

夸談快憤懣情一作情慵發煩心西北登不周東南望鄧

林曠野彌九州崇山抗高岑一餐度萬世千歲再浮沈

誰云玉石同淚下不可禁

人言願延年延年欲焉之黃鵠呼子安千秋未可期獨

坐山崑中惻愴懷所思王子一何好綺靡相攜持悅懌

猶今辰計校在一時一作潛見安能置此明朝事日夕

將見欺

貴賤在天命窮達自有時
婉孌佞邪子隨利來相欺
孤思損惠施但為讒夫蚩
鵠鳴雲中載飛靡所期焉
知傾側士一旦不可持

驚風振四野迴雲陰堂禍
牀帷為誰設几杖為誰扶
雖非明君子豈聞桑與榆
世有此輩蹟芒芒將焉如
翩翩從風飛悠悠去故居
離麾玉山下遺弃毀與譽

危冠切浮雲長劍出天外
細故何足慮高度跨一世
非子為我御逍遙遊荒裔
顧謝西王母吾將從此逝
豈與蓬戶士彈琴誦言誓

河上有丈人緯蕭弃明珠
甘彼藜藿食樂是蓬蒿廬
豈

效纒紛子良馬騁輕輿朝生衢路旁夕瘞橫術隅
歡笑不終晏俛仰復歔歔鑒茲二三者憤懣從此舒

儒者通六藝一作立志不可干違禮不為動非法不肯
言渴飲清泉流饑食并一作一簞蔬時無以祀衣服常

苦寒屣履詠南風緼袍笑華軒信道守詩書義不受一
餐烈烈褒貶辭老氏用長歎

少年學擊刺一作妙伎過曲城英風截雲霓超世發奇
聲揮劍臨沙漠飲馬九野垓旗幟何翩翩但聞金鼓鳴

軍旅令人悲烈烈有哀情念我平常時悔恨從此生
平晝整衣冠思見客與賓賓客者誰子倏忽若飛塵裳

衣佩雲氣言語究靈神須臾相背弃何時見斯人

多慮令志散寂寞使心憂翱翔觀陂一作澤撫劍登輕

舟但願長閒暇後歲復來遊

朝出上東門遙望首陽基松栢鬱森沈鷗黃相與嬉逍

遙九曲間徘徊欲何之念我平居時鬱然思妖姬

王子十五年遊衍伊洛濱朱顏茂春華辯慧懷清真焉

見浮丘公舉手謝時人輕蕩易恍惚飄飄弃其身飛飛

鳴且翔揮翼且酸辛

塞一作寒門不可出海水焉可浮朱明不相見奄昧獨無

侯持瓜思東陵黃雀誠獨坐天勢在須臾帶劍上吾丘

悼彼桑林子涕下自交流假乘汧渭間鞍馬去行遊

洪生資制度被服正有常尊卑設次序事物齊紀綱容

飾整顏色磬折執圭璋堂上置玄酒室中盛稻粱外厲

貞素談戶內滅芬芳放口從衷出復說道義方委曲周

旋儀姿態愁我腸

北臨乾昧谿西行遊少任遙顧望天津駘蕩樂我心綺

靡存亡門一遊不再尋儻遇晨風鳥飛駕出南一作林

涔瀆瑤光中忽忽肆荒淫休息晏清都超世又誰禁一作

起坐復

人知結交易交友誠獨難險路多疑惑明珠未可干彼

求饗太牢我欲并一餐損益生怨毒咄咄復何言

有悲則有情無悲亦無思一作無情亦無悲苟非嬰網罟何必

萬里畿翔風拂重霄慶雲招所晞灰心寄枯宅曷顧人

間姿始一作曲得忘我難焉知嘿自遺

木槿榮丘墓煌煌有光色白日頽林中翩翩零路側蟋

蟀吟戶牖螻蛄鳴荆棘蜉蝣玩三朝采采修羽翼衣裳

為誰施俛仰自收拭生命幾何時慷慨各努力

修塗馳軒車長川載輕舟性命豈自然勢路有所由高

名令志惑重利使心憂親昵懷反側骨肉還相讐更希

毀珠玉可用登遨遊

橫術有奇士黃駿服其箱朝起瀛洲野日夕宿明光再

撫四海外羽翼自飛揚去置世上事豈足愁我腸一去

長離絕千歲復相望

猗歟上世士恬淡志安貧季葉道陵遲馳騫紛垢塵甯

子豈不類楊歌誰肯殉一作詢栖栖非我偶徨徨非已倫

咄嗟榮辱事去來味道真道真信可娛清潔存精神巢

由抗高節從此適河濱

梁東有芳草一朝再三榮色容豔姿美光華耀傾城豈

為明哲士妖蠱諂媚生輕薄在一時安知百世名路端

便娟子但恐日月傾焉見冥靈木悠悠竟無形

秋駕安可學東野窮路旁綸深魚淵潛鱗設鳥高翔汎汎
汎乘輕舟演漾靡所望吹嘘誰以益江湖相捐忘都冶
難為顏修容是我常茲年在松喬恍惚誠未央

咄嗟行至老僂俛常苦憂臨川羨洪波同始異支流百
年何足言但苦怨與讐讐怨者誰子耳目還相差聲色
為胡越人情自逼適招彼玄通士去來歸羨遊

昔有神仙士乃處射山阿乘雲御飛龍噓噓噓瓊華可
聞不可見慷慨歎咨嗟自傷非儔類愁苦來相加下學
而上達忽忽將如何

林中有奇鳥自言是鳳皇清朝飲醴泉日夕棲山岡高

鳴徹九州延頸望八荒適逢商風起羽翼自摧藏一去

崑崙西何時復迴翔但恨處非位愴恨使心傷

出門望佳人佳人豈在茲三山招松喬萬世誰與期存

亡一作日有長短慷慨將焉知忽忽朝日隕行行將何之

不見季秋草摧折在今時

昔有神仙者羨門及松喬翕習九陽間升遐噦雲霄人

生樂長久百年自言遼白日隕隅谷一夕不再朝豈若

遺世物登明遂飄颻

墓前熒熒者木植耀朱華榮好未終朝連颺隕其葩豈

若西山草琅玕與丹禾垂影臨增城餘光照九阿寧微

少年子日久難咨嗟

擬阮公夜中不能寐

宋鮑照

漏分不能臥酌酒亂繁憂
惠氣憑夜清素景緣隙流
鳴鶴時一聞千里絕無儔
佇立為誰久寂寞空自愁

效阮公詩

十五首

梁江淹

歲暮懷感傷中夕弄清琴
戾戾曙風急團團明月陰
孤雲出北山宿鳥驚東林
誰謂人道廣憂慨自相尋
寧知霜雪後獨見松竹心

十年學讀書顏華尚美好
不逐世間人鬪雞東郊道
富貴如浮雲金玉不為寶
一旦鷓鴣鳴嚴霜被勁草
志氣

多感失淚下沾懷抱

白露淹庭樹秋風吹羅衣
忠信主不合辭意將訴誰
獨坐東軒下雞鳴夜已晞
總駕命賓僕遵路起旋歸
天命誰能見人蹤信可疑

飄飄恍惚中是非安所之
大道常不驗金火每如斯
恍慨少淑貌便娟多令辭
宿昔秉心誓靈明將見期
願從丹丘駕長弄華池滋

陰陽不可知鬼神惟杳冥
暫試武帝貌一見李后靈
同情淪異物有體入無形
賢聖共草昧仁智焉足明
變化未有極恍惚誰能精

若木出海外本自丹水陰羣帝共上下鸞鳥相追尋千
齡猶旦夕萬世更浮沈豈與異鄉士瑜瑕論淺深
夏后乘兩龍高會在帝臺榮光河雒出白雲蒼梧來侍
御多賢聖升降有羣才四時有變化盛明不徘徊高陽
邈已遠佇立誰語哉

昔余登大梁西南望洪河時寒原野曠風急霜露多仲
冬正慘切日月少精華落葉縱橫起飛鳥時相過搔首
廣川陰懷歸思如何常願反初服閒步潁水阿
宵月輝西極女圭映東海佳麗多異色芬葩有奇采綺
縞非無情光陰命誰待不與風雨變長共山川在人道

則不然消散隨風改

少年學擊劍從師至幽州燕趙兵馬地唯見古時丘登
城望山水平原獨悠悠寒暑有往來功名安可留
擾擾當途子毀譽多埃塵朝生與馬間夕死衢路濱藜
藿應見棄勢位乃為親華屋爭結綬朱門競彈巾徒羨
草木利不愛金碧身至德所以貴河上有丈人
華樹曜北林芬芳空自宣秋至白雲起蟪蛄號庭前中
心有所思虛堂獨浩然安坐詠琴瑟逍遙可永年
假乘試行遊北望高山岑翩翩征鳥翼蕭蕭松柏陰感
時多辛酸覽物更傷心性命有定理禍福不可禁唯見

五言古詩 卷十一
雲際鵠江海自追尋

夕雲映西山蟋蟀吟桑梓零露被百草秋風吹桃李君子懷苦心感慨不能止駕言遠行遊驅馬清河涘寒暑更進退金石有終始光色俯仰間英艷難久恃至人貴無爲裁蒐守寂寥唯有馳騫士風塵在一朝輿馬相跨躍賓從共矜驕天道好盈缺春華故秋凋不知北山民商歌弄塲苗

擬詠懷 二十七首

周庾信

步兵未飲酒中散未彈琴索索無真氣昏昏有俗心涸鮒常思水驚飛一作每失林風雲能變色松竹且悲吟

由來不得意何必往長岑

赭衣居傅巖垂綸在渭川乘舟能上月飛幟欲捫天誰知志不就空有直如弦洛陽蘇季子連衡遂不連既無六國印翻思二頃田

俎豆非所習帷幄復無謀不言班定遠應爲萬里侯燕客思遼水秦人望隴頭倡家遭強娼質子值仍留自憐才智盡空傷年鬢秋

楚材稱晉用秦臣卽趙冠離宮延子產羈旅接陳完寓衛非所寓安齊獨未安雪泣悲去魯悽然憶相韓唯彼窮途慟知余行路難

惟忠且惟孝爲子復爲臣一朝人事盡身名不足親吳
起常辭魏韓非遂入秦壯情已消歇雄圖不復申移住
華陰下終爲關外人

疇昔國士遇生平知己恩直言珠可吐寧知炭可一作欲
吞一顧重尺璧千金輕一言悲傷劉孺子悽愴史皇孫
無因同武騎歸守灞陵園

榆關斷音信漢使絕經過胡笳落淚曲羌笛斷腸歌纖
腰減束素別淚損橫波恨心終不歇紅顏無復多枯木
期填海青山望斷河

白馬向清波乘冰始渡河置兵須近水移營喜竈多長
坂初垂翼鴻溝遂倒戈的顛於此去虞兮柰若何空營
衛青塚徒聽田橫歌

北臨玄菟郡南戍朱鳶城共此無期別俱知萬里情昔
嘗遊令尹今時事客卿不持貧謝富安知死羨生懷秋
獨悲此平生何謂平

悲歌度燕一作易水弭節出陽關李陵從此去荆卿不復
還故人形影滅音書兩俱絕遙看塞北雲懸想關一作天
山雪遊子河梁上應將蘇武別

搖落秋爲氣淒涼多怨情啼枯湘水竹哭壞杞梁城天
亡遭憤戰日感值愁兵直虹朝映壘長星夜落營楚歌

五言古詩 卷十七 十九
饒恨曲南風多死聲眼前一杯酒誰論身後名

周王逢鄭忿楚后值秦冤梯衝已鶴列冀馬忽雲屯武
安檐瓦振昆陽猛獸奔流星夕照鏡烽火夜燒原古獄
饒冤氣空亭多枉魂天道或可問微兮不忍言

橫流遘屯慝上塲結重氛哭市聞妖獸頽山起恠雲綠
林多散卒清波有敗軍智士今安用忠臣且未聞惜無
萬金產東求滄海君

吉士長爲吉善人終日善大道忽云垂生民隨事蹇有
情何可豁忘懷固難遣麟窮季氏且虎振周王圈平生
幾種意一旦衝風卷

六國始咆哮縱橫未定交欲競連城玉翻徵縮酒茅析

骸猶換子登爨已懸巢壯冰一作水初開地盲風正折膠

輕雲飄馬足明月動弓弣楚師正圍鞏秦兵未下嶠始

知千載內無復有申包

橫石三五片長松一兩株對君俗人眼真與理當無野
老披荷葉家童掃栗跗竹林千戶封甘橘萬頭奴君見
愚公谷真言此谷愚

日晚荒城上蒼茫餘落暉都護樓蘭返將軍疎勒歸馬
有風塵氣人多關塞衣陣雲平不動秋蓬卷欲飛聞道
樓船戰今年不解圍

尋思萬戶侯中夜忽然愁琴聲遍屋裡書卷滿牀頭雖
言夢蝴蝶定自非莊周殘月如初月新秋似舊秋露泣
連珠下螢飄碎火流樂天乃知命何時能不憂
憤憤天公曉精神殊乏少一群催曙鷄數處驚眠鳥其
學乃于于其憂惟悄悄張儀稱行薄管仲稱器小天下
有情人居然性靈天

在死猶可忍爲辱豈不寬古人持此性遂有不能安其
面雖可熱其心長自寒匣中取明鏡披圖自照看幸無
侵餓理差有犯兵欄擁節時驅傳乘亭不據鞍代郡蓬
初轉遼陽桑欲乾秋雲和露結白露水銀團一思探禹

穴無用鑿臯蘭

倏忽市朝變蒼茫人事非避讒應采葛忘情遂食薇懷
愁正搖落中心愴有違獨憐生意盡空驚秋樹衰

日色臨平樂風光滿上蘭南國美人去東家一樹完抱

松傷別鶴向鏡絕孤鸞不言登隴首唯得望長安

鬪麟能食日戰水定驚龍鼓鞀喧七萃風塵亂九重鼎

湖去無返蒼梧悲不從徒勞銅雀妓遙望西陵松

無悶無不悶有待何可待昏昏如坐霧漫漫疑行海平

年水未清一代人先改昔日東陵侯唯見瓜園在

懷抱獨昏昏平生何所論由來千種意併是桃花源穀

皮兩書帙壺盧一酒樽自知費天下也復何足言
蕭條亭障遠悽慘風塵多關門臨白狄城影入黃河秋
風別蘇武寒水送荆軻誰言氣蓋世晨起帳中歌
被甲陽雲臺重雲久未開鷄鳴楚地盡鶴唳秦軍來羅
梁猶下礪楊排久飛灰出門車軸折吾王不復回

述懷

和王丞

宋鮑照

限生歸有窮長意一作憶無已年秋心日迴絕春思坐連
綿銜協曠古願斟酌高代賢迹迹俱浮海採藥共還山
夜聽橫石波朝望宿巖煙明澗子松越飛蘿一作紫牽性
好必齊逐一作遂迹幽非妄傳滅志身世表藏名琴酒間

咏懷詩

奉和隨王殿下十六首

齊謝朓

高秋夜方靜神居肅且深閒階塗廣露涼宇澄月陰嬋
娟影池竹疎蕪散風林淵情協爽節詠言興德音聞道
空已積干直愧蓬心

星回夜未艾洞房凝遠情雲陰滿池榭中月懸高城喬
木含風霧行鴈飛且鳴平臺盛文雅西園富羣英芳慶
良永矣君王嗣德聲眷此伊洛詠載懷汾水情顧已非
麗則恭惠奉仁明觀淄詠已失憮然愧簪纓

神心遺魏闕中想顧汾陽肅景懷辰豫捐玦翦山楊

一作

湯時惟清夏始雲景暖含芳月陰洞野色日華麗池光

草合亭臯遠霞生川路長端坐聞鶴引靜瑟愴復傷懷
哉泉石思歌詠鬱瓊相春塘多迭駕言從伊與商衮職
眷英覽獨善伊何志願輟東都遠弘道侍云梁

睿心重離析岐路清江隈四面寒飈舉千里白雲來川
長別管思地迥翻旗回還顧昭陽闕超遠章華臺置酒
巫山日爲君停玉杯

桂樓飛絕限超遠向江岐輕雲霽廣甸微風散清漪連
連絕鴈舉渺渺青烟移嚴城亂雲暮霜塘凋素枝氣爽
深遙矚豫永聊停曦卽已終可悅盈尊且若斯

念深冲照廣業闡清化玄端儀穆金殿敷教藻瓊筵船
湛輕帷藹磬轉芳風旋卷轡棲道樹方津棹法舩歸興
憑大造昭塗良易筌

玄冬寂修夜天圍靜且開亭臯霜氣愴松宇清風來高
琴時以思幽人多感懷幸籍汾陽想嶺首正徘徊

愴愴緒風興祁祁族雲布嚴氣集高軒稠陰結寒樹日
月謬論思朝夕承清豫徒藉小山文空揖章臺賦

肅景遊清都修簪侍蘭室累樹疎遠風廣庭麗朝日穆
穆神儀靜愔愔道言密一餐繫靈表無吝科年曆

清房洞已靜閒風伊夜來雲生樹陰遠軒廣月容開宴
私移燭飲遊賞藉琴臺風猷冠淄鄴衽烏愧唐枚

方池含積水明月流皎鏡規荷承日泫影鱗與風泳上
善叶淵心止川測動性幸是方春來側點游濠盛
浮雲西北起飛來下高堂合散輕帷表飄舞桂臺陽遙
階收委羽平地如夜光眷言金玉照顧慚蘭蕙芳
炎光缺風雅宗霸拯時淪德待雲霧令圖方再晨歲
遠荒城思霜華宿草陳英威遠如是徘徊岐路人
分悲玉瑟斷別緒金樽傾風入芳帷散釭華蘭殿明想
折中園草共知千里情行雲故鄉色贈此一離聲
年華豫已滌夜艾賞方融新萍時合水菰草未勝風閨
幽瑟易響臺迥月難中春物廣餘照蘭萱佩未窮

連漪映餘雪巖城限深霧清寒起洞門東風急池樹
居望已蕭徘徊舉冲趣棲遲如歸詠丘山不可屢

詠懷 二首

梁吳均

僕本報恩人走馬救東秦黃龍暗迢遞青泥寒苦辛野
戰劔鋒盡攻城才智貧唯餘一死在留持贈主人
元淑勢位卑長卿宦清寡二頃且營田三錢聊飲馬懸
風白雲上挂月青山下心中欲有言未得忘言者

言志

奉和永豐殿下十首

周庾信

立德齊今古資仁一毀譽無機抱甕汲有道帶經鋤處
下唯名惠能言本姓遽未論驚寵辱安知係慘舒

王子從邊服臨邛惜第如星橋擁冠蓋錦水照簪裾論
文報潘岳詠史答應璩帳幕參三顧風流盛七輿
茫茫實宇宙與善定馮虛大夫傷魯道君子念殷墟程
卿既開國安平遂徙居詎能從小隱終然遊太初
直城風日美平陵雲霧除來往金張館弦歌許史閭鳳
臺迎弄玉河陽送婕妤五馬遙相問雙童來夾車
託情忻六學遊日愛三餘覆局能懸記看碑解暗疏詎
嘗遊魏冉邠時說范睢池水朝含墨流螢夜聚書
興雲榆莢晚燒薤杏花初漉池侵黍稷谷水播菑畲六
月蟬鳴稻千金龍骨渠舍風掃古度防露動林於

自憐循短綆方欲問長沮茂陵體猶瘠淮陽疾未祛翻
疑承毒水忽似遇昌菹漢陽嗟欲盡咎繇懼忽諸

弱齡參顧問疇昔濫吹噓綠槐垂學市長楊映直廬連

盟翻滅鄭仁義反亡徐還思建鄴水終憶武昌魚

崩堤壓故柳衰社臥寒樗野鶴能自獵江鷗解獨漁漢

陰逢荷篠緇林見杖屨阮籍長思酒稽康懶著書

披林求木實拂雪就園蔬濁醪非鶴髓蘭肴異蟹蛆一作


野情風月曠山心人事疏徒知守甌甃空欲報璠璵

述懷 和張侍中

陽窮乃悔吝世季誠屯剝奔河絕地維折柱傾天角成

每水飛如雨天星落負鍾遂移山藏舟終去壑生民
 怨已魚君子徒為鶴疇昔逢知己生平荷恩渥故組竟
 無聞程嬰空寂寞永嘉獨流寓中原惟鼎鑊道險臥櫬
 禮身危累素殼漂流從木梗風卷隨秋籜張翰不歸吳
 陸機猶在洛漢陽錢莊蓋長安空索時占季主通作
 賦韓康藥伏轅終入絆垂翅猶離繳徒懷琬琰心空守
 黃金諾號節終無寄齊秦竟何託大夫唯聞周君子常
 思亮寂寥共羈旅蕭條同負郭農談止殺稼野膳嚼藜
 藿操樂楚琴悲一作忘憂魯酒薄渭濱觀坐釣谷口看
 秋穫唯有丘明耻無復榮期樂夷則火星流天根秋水

涸冬嚴日不暖歲晚風多朔楊浮有恠雲細凌聞災雹
 木皮三寸厚涇泥五斗濁雖折曲轅樹猶懼雕陵鵲生
 涯實有始天道終虛橐且悅善人交無疑朋友數何時
 得雲雨復見翔寥廓



五言古詩 卷一 十一

昔雲雨霽且穰寒瀟

風實亦故天豈絲氣素且舒
春入交難發限文其回却
木交三志早望我正丰
欲報前出刻樹陰單
翠諸志
國今耀日不翅
幾與風多
與對若
有琳雲
際雲
開
發
亦

